

Peter Mascov

Programma, Quo Facultatis Iuridicae Pro-Decanus Petrus Mascovius ... Ad Disputationis Inauguralis De Deposito Irregulari a ... Dn. Christiano Brandes/ Rostoch. Pro obtinendis summis utroq[ue] in lure Honoribus et Insigniis XX. Martii Anni huius M DC LXXXIV. In Auditorio Maiori ... habendae Panegyri ... invitat

Gryphiswaldiae: Starckius, 1684


<http://purl.uni-rostock.de/rosdok/ppn747414971>


Druck Freier  Zugang



Mascow, P.,
in Chr. Brandes.

R. 1684.





PROGRAMMA,
Quo
FACULTATIS JURIDICÆ PRO-DECANUS
PETRUS MASCOVIUS,

H. J. D. Professor Ordinarius & Consistorii Regii
Adfessor,
Magnificum Academiæ Rectorem,
Omnesq; cujusvis Ordinis, dignitatisve in hac Urbe
Jurisprudentiæ & ejusdem honoribus ac incrementis
benè cupientes,
Quocunq; etiam Nobilitatis, Amplitudinis, publicorum
munerum, eruditionis, prudentiæ, virtutum, gradu
emineant, simulq; politissimam Juventutem
sapientiæ studiis deditam,

AD
DISPUTATIONIS INAUGURALIS
DE
DEPOSITO IRREGULARI,

Clarissimo & Consultissimo
Dⁿ **CHRISTIANO Brandes / Rostoch.**

*Pro obtinendis summis utroq; in Jure
HONORIBUS ET INSIGNIIS*

XX. Martij Anni hujus M DC LXXXIV.
in Auditorio Majori more rituq; majorum habenda
Panegyri.

*Præsentia honore ac faventiâ ornandam,
observanter officiosè & amicè invitat.*

GRTPHISWALDIÆ,
Litteris DANIELIS BENJAMINIS STARCKII, Reg. Acad. Typogr.



*Si ubi vis ferè in Amplissimo
Juris Studio, nulla tamen
major quam in intricatâ juris-
dictionis, nodosâ substituti-
onis, salebrosâ juris accre-
scendi & prolixâ Actionum,
materiâ difficultas sese offerre
atq; exhibere vulgò creditur,
in quorum doctrinâ omnium difficillimum habetur
competens Actionis genus invenire. Quantum
enim in hoc momenti situm sit, norunt justitie
Sacerdotes sive Jcti, norunt omnes judiciorum Præ-
sides & Adsesores, norunt omnes deniq; Causidici
& causarum Patroni, quotquot eorum vel facundo
ore vel perdocto suo praelia juridica in foro sustinent
calamo. Et quis horum est qui nesciat, quod hæc res
etiam eruditissimis & exercitatisimis viris non
rarò offundat tenebras, ut tanquam in illuni nocte
errantes, quovis potius perveniant, quam quò vo-
lunt, cum tamen totius praelii forensis fundamen-
tum in eo quasi subsistat, ut, si quis in eo exorbitet,
eum in varios errores labi necesse sit, actionis autem
genere cognito, facile sit, exceptiones, replicatio-
nes & alia ejusmodi causarum argumenta inve-
nire, deq; jure cause proposita certo & constanter
respondere. Huc veteres Jurisconsulti in jure
causarum desinendo imprimis respexerunt, queq;
compe-*

competeret actio sollicitè indagarunt. Vestigia
hujus rei hinc inde, cum primis apud Julianum in
lib. 5. Digestorum, & Ulpianum in lib. 31. & 32. ad
Edictum reperiuntur. Ut autem Delio natatore
opus est in Actionum quasi Euripo, ita & non minor
difficultas sese offert in famosissima & quotidiana
de Contractibus materia, ut rectè judicare atq; discer-
nere possis, quodnam & quale negotium inter con-
trahentes sit gestum atq; peractum, quo non attento
non potest non etiam actionis genus in iudicium de-
ducendum, in tenebris sepulcrum jacere. Hac nego-
tiorum civilium rectè discernendorum obscuritas
fecit, ut Romani Æstimatorium contractum inve-
nerint. Merentur verba Ulpiani ut ex lib. 32. ad
Edictum opponantur. Actio de Æstimatorio proponitur
tollendæ dubitationis gratia. Fuit enim magis dubi-
tarum, cum res Æstimata vendenda datur, utrum ex
vendito sit actio, propter Æstimationem, aut ex locato,
quasi rem vendendam locasse videor, an ex conducto
quasi operas conduxissem, an mandati? melius itaq;
visum est hanc actionem proponi. Quotiens enim de
nomine contractus alicujus ambigeretur, conveniret
tamen aliquam actionem dari, dandam Æstimatoriam
præscriptis verbis actionem. Hæc causa etiam fuit,
quod excelsi ingenij Vir, quâ laude ab ipso Impe-
ratore Justiniano maculatur, Papinianus subdubi-
taverit. Quale sit negotium, si res quidem custodia
causa tradita, sed simul conventum, ut non idem
sed tantundem reddatur, vel pactum de usuris præ-
standis

standis adjectum sit, cum illud notissimos depositi
terminos egrediatur & naturam mutui sapiat,
Usura vero ex pacto in stricti juris iudicio non debe-
antur, qualiq; tam hæ quam illud actione petendum
sit, secumq; disputaverit summus J. C. us priusquam
definire voluerit. Est certè difficilis, si unquam
alius, hic juris articulus, quo de nobis amplissimus
disferendi campus pateret, nisi Clariss. Dn. CHRIS-
TIANUS Brandes! Rostochiensis Megapolitanus,
U. J. Candidatus Præcellens, integram suam de eo
conscripsisset Disputationem eaq; accuratatione eam
elaborasset, ut adjicere quippiam vel in antecessum
eidem aliquid lucis addere supervacuum sit. Super-
sedemus igitur meritò isto labore, pauca quedam
de vita ejus, studiorum cursu, more & hic & alibi
in Academiis recepto, exposicuri. Natus is est Anno
hujus seculi 1655. Rostochij, vicini Ducatus
Mecklenburgici Metropoli, in illustri illa Musarum
sede, Patre Viro Amplissimo & Prudentissimo
D. DAVIDE Brandes! Jurisperito eximio, Sena-
tore apud Rostochienses, ac Camerario per multos
annos benè merito. Cujus Avus (ne de cæteris
Majoribus nunc dicamus) fuit Vir Nobilissimus
TILE Brandes! Patricius Brunovicensis, ex nobili
Brandisiorum Familia, quæ adhuc hodiè ibidem,
& in Livonia in Comitatu Pernoviensi viget,
Matre, quæ adhuc Dei gratia superstes est, CATHA-

RINA

*RINA Drebes! Matrona ex Familia Haselbecciorum
pientissima, & Virtutibus sexus sui ornatissima.
Sed ne ab iis, quas à Parentibus acceperat egregiis
corporis dotibus degenerem ageret vitam, prima
Parentum cura fuit, ut animus ejus bonis artibus
probè excoleretur, virtutibusq; totus consecraretur.
Quare à pueris usq; ad decimum septimum ætatis
annum domesticorum Præceptorum disciplina est
traditus. Quo factum, ut cum præterea hic noster
suum jamjam desideratissimum Dn. Parentem nec
non Dn. CASPARUM HABERMANNUM, J. U. D. & Pro-
fesf. Publ. Ducalem celeberrimum, Affinem suum,
ex Sorore, dum viveret, conjunctissimum, quantum
per publica eorundem licuit officia, perpetuos &
indefesos habebat Præceptores, tantos in Philolo-
gicis, Philosophicis & Historicis fecerit progressus,
ut ad altiora animum applicare quiverit studia.
In quem finem etiam primum ad famigeratissimum
illud Athenæum Viadrinum excursus fecit, ubi
Collegia Dnn. Dd. & Professorum publicorum cele-
berrimorum & præ aliis BRUNNEMANNI, RHETII &
STRICKII, tam privata quam publica Collegia in omni
juris parte & singulari cum fructu frequentavit.
Digressus inde ad Themidis arcem Wittebergensem,
nactus est Præceptores fidelissimos in Philosophicis
FRENZELIUM, VOGELIUM & SCHÜRTZFLEISCHIUM, in
jare Dn. ZIEGLERUM, LEDERERUM, MARTINIUM &
alios*


alios qui tum temporis illic florere & adhuc florent.
Hac relicta ad tempus in Helicone Lipsiensi nec non
Jenensi commoratus est, donec à Dn. Parente,
domum revocatus in Academia Patria à capite,
quod dicitur, ad calcem, studia sua recoluit, & ut
publicè quantum foris in studio profecuset Philo-
sophico, cui maximopere navarat operam, profiteretur,
Quæstiones Miscellaneas Philosophicas satis
eruditè congestas sub Præsido Clariss. & Doctiss.
Dn. M. PAULI HENNINGII, publicè cum Auditorij
applausu defendit. Cum autem intelligeret Troje
quidem nasci Hectores sed non nisi foris Ulysses, ite-
rum natale solum reliquit, & in Daniam, & abhinc
in Sveciam iter instituit, quibus Regnis eorumq;
imprimis Metropolitibus & Aulis satis magnificis &
splendidis perlustratis, Upsaliam fama Excellen-
tissimorum Virorum ibidem omnis generis scientias
publicè & privatim profitentium pellectus, con-
tendit. Dehinc Aboensem Academiam, propter
ante aliquot annos ibidem exortam flammam,
impresentiarum mutam, insalutatam relinquere
noluit. Porro traxerunt eum Fata in Esthoniã,
ubi Illustris & Generosissimi Viri AXELII de Rosen/
Sa. Ræ. Maj. Sveciæ per Esthoniã & Regiæ Urbis
Revalij Gubernatoris magnificentissimi & eminent-
tissimi, Patroni sui, dum viveret, estimatissimi,
Dn. Dn. Filiis maxime spei & rare paternæque
indolis


indolis BENEDICTO GUSTAVO, & CAROLO BOGUSLAV
Ephorus fuit prefectus, quos etiam, nisi modò lau-
dati Dn. Gubernatoris fata nimium præter spem
fuisent maturata, in exteras & longè disitas terras
duxisset. Quia verò hujus voti compos non factus,
Dorpatum, ubi jam Dicasterium Regium, ut ibi
stylum Curie sibi redderet familiarem, concessit.
Deniq; cæteris Livonia ac Ingria nec non Russia
celebrioribus Urbibus Novogardia & Plefcovia,
visis, in Curlandiam ad Aulam Mitoviensem ea
quidem intentione suum cursum direxit ut in
Regnum Polonia descenderet; atq; Dn. Parentis
superveniens mors gradum sistere & ad patrios lares
redire jusfit. Inde ad hanc Academiam nostram ante
aliquot menses, & quod excurrit, pervenit, nomenq;
suum Collegio nostro Juridico professus est, ad Exa-
mina privata consuetasq; in Cathedra enarrationes
(quas de successione filiorum legitimorum in
feudis, ad §. naturales 2. Feud. 26. instituit) admis-
sus, talem se exhibuit, ut dignus judicaretur, cui
pro summo in utroq; jure consequendo gradu dispu-
tandi potestas fieret. Habebitur autem Disputatio
hæc de elegantiori juris articulo DEPOSITO
IRREGULARI ad diem 20. Martij. Quo verò hæc
Panegyris eò solennior existat, Magnificum
Dn. Rectorem, omnesq; cujusvis Ordi-
nis,

nis, dignitatisve in hac Urbe Jurispru-
dentiæ & ejusdem honoribus ac incre-
mentis benè cupientes, quocunque
etiam Nobilitatis, Amplitudinis, publi-
corum Munerum, eruditionis, pruden-
tiæ, virtutum, gradu emineant, simulq;
politissimam Juventutem Academi-
cam, sapientiæ studiis deditam, ut prest-
tuto die ab hora 8. in Concilio Academico presentes
esse, inde Facultatem Juridicam unacum Dn. Can-
didato in Auditorium majus comitari atq; hec sacra
confessu suo splendidiora reddere non dedignentur,
Collegij Juridici, meo & Dn. Candidati nomine
dicatissima observantiâ, cultu & affectu,
pro, invito, obtestor.

Publicatum Gryphiswaldiæ sub Sigillo
Facultatis Juridicæ, XVI. Martij Die, Anni Aetæ
Christianæ MDC LXXXIV.







indolis BENEDICTO GUSTAVO, & CAROLO
Ephorus fuit praefectus, quos etiam, nisi
dati Dn. Gubernatoris fata nimium pro-
fuisent maturata, in exteras & longè dis-
duxisset. Quia verò hujus voti compos
Dorpatum, ubi jam Dicasterium Regi-
stylum Curiae sibi redderet familiarem,
Deniq; cæteris Livoniae ac Ingriae nec
celebrioribus Urbibus Novogardia & I-
vifis, in Curlandiam ad Aulam Mitov-
quidem intentione suum cursum direx-
Regnum Poloniae descenderet; atq; Dn.
superveniens mors gradum sistere & ad pa-
redire jusfit. Inde ad hanc Academiam non
aliquot menses, & quod excurrit, perveni-
suum Collegio nostro Juridico professus est
mina privata consuetasq; in Cathedra enu-
(quas de successione filiorum legitima
feudis, ad §. naturales 2. Feud. 26. institu-
sus, talem se exhibuit, ut dignus judicari
pro summo in utroq; jure consequendo gra-
tandi potestas fieret. Habebitur autem
bac de elegantiori juris articulo DE P-
IRREGULARI ad diem 20. Martij. Qu-
Panegyris eò solennior existat, Mag-
Dn. Rectorem, omnesq; cujusv.

